





翠寒集序



吳古為都會山水富甲東南長材秀茂  
 間見層出以濟時需獨唐皮日休陸龜蒙  
 隱松陵為詩文相倡爾故吳之山川自西子  
 嬖娃宮為想文之室殊花遊子烟霧雨  
 曠愜我身千載間皆能發而化之為詩多矣  
 子若為書多至和崇之性事且中皮陸之尚  
 復見辛卯秋家燕子寓吳予游甚稔每  
 話具區山水之勝出以詩風流之雅與  
 吾亦喜其皆不絕人公道子寓吳年未及者



能詩者身且通按西漢五年丞以我林舉  
之助不執子親子多矣自厚臨以時卷  
舒定之多矣身之皮陸真以德於詩邪  
使子而後仕之得志進大篇而長什者  
官而後仕之子多姓字著以時能字  
其法晉陵家值身難遇吳冒朱如  
云

元吉之末中秋吳興趙子魚頓子君印文序

翠寒集

詩惡乎變三百篇後變于攜手何梁下迨建安齊梁數變至唐  
泊宋季之詩大變而絕何耶詩闕乎風化係乎氣數士昔驚于  
時文視詩為長物雖有工之不及唐矣非詩之變乃時之變也  
吁詩貴乎變不日守一律千變萬化之不窮惟子美能當之豈  
惟詩文亦然宋之詩大病膠牽淺易則窒泥狂怪蒐獵奇事穿  
穴異聞失豐厚而收儉約趨窘局而棄高遠不能平澹蕭散雍  
容和緩求如晚唐杜荀鶴方干輩斯可笑吳逸士宋子虛則不  
然子虛生景德間未弱冠時已廢科舉學故作詩是學大篇如  
天孫織綃雲經霧緯自出機軸小律則日光缸彩渾然尺璧穠  
麗鎮密而不艷含鬱靜婉而不怨其沒於詩之變也余客江東  
西溪王公稱其才舉茂異弗就觀其人淵默似不能言者聞



趨邁而自新後得所寄天馬歌諸作乃益歎服蓋本於學涵  
養有力不汲子成名其行業皆然不獨詩然也余將泝九江  
子虛始出藁俾余序所知子虛者淺矣子虛之不屑為者深乎  
作詩難序詩尤難子虛之詩顯果在余序則唐三百家無序者  
其詩皆能晦乎係其詩之工拙耳杜少陵云新詩句，書湛傳  
奚在余序子虛之詩足以重于余也故序之子虛名無翠寒  
其齋扁云歲在屠雍赤奮若清明日廬陵鄧光薦中父序  
天誦西北曰無曠古未有，姓而以無為之名者吳人宋子虛  
乃以無為之名斯名也殆自子虛始無是公烏有先生乎盧仝  
異自異之對待相與莫逆于是不能無仝自仝異自異之對待  
吾欲取其姓而姑名之曰有為子虛之對待則三千載之有姓  
氏不聞單無之隻字為之名者徐無兒公子無忌之屬生戰國

者無之下必連綴其字以為之名未若宋一虛之無有獨無對  
之特出苟求其故毋已則春秋之冉有乎或曰以冉有對宋無  
與盧仝對馬異固無以異而歲月卜之吾東家聖賢之闕里則  
去冉有也惜遠矣有無始置吾讀子虛所為詩則求之吳中殆  
無訛第二指然則五葦三泖之地望不但無能名子虛者併与  
子虛之詩無之此邦不可無其人可無其詩乎其烏夜啼公無  
渡河戰城南公莫舞至妾命薄古硯歌諸皆古錦神林鬼塚外  
帶三分鳳麟洲上飛仙羽翮格力其五字律風調悽惋不勝江  
哀浦思之情悰如承恩金馬詔失意玉環詞宮月今誰吊長庚  
夜自明雖使太白復生亦當為子虛擊楫七言律楊柳昏黃西  
月梨花明白東風秋千庭院人初下春，園林酒正中五言如  
馬歸來社辛夷開過春如身黃松上鼠頭白竹間禽七言如



地葉歌殘秣陵酒梨花夢斷景陽鐘五言如採藥逢毛女焚香  
對羽人客愁三月盡春夢伍更初七言如縮地日携龍作杖卧  
雲時約鳳吹笙五言若蜀魄花成血山魈樹隱身竹枝歌峽夜  
柳子醉蠻春如空悲祖龍死但覓鮑魚腥七歲女支機穩山人  
作枕便異或稱羊化疑應訝虎眠不須填碧海直欲補青人如  
勒銘留水寺應供宿江城夏城游方興秋添住嶽情標致極似  
盛唐諸人而對偶之工興寄之永飄然自妙于金陵含風鴨  
紙舞起弄日鵝黃裊垂北風吹樹動西日照窓涼之頂顛  
其絕句雅淡清潔一字不可易豈但吳中無子虛之詩乎子虛  
有韻人之姿而天壤間知子虛最晚恨予老無能為矣姑取其  
詩集而序之好事者寫之為圖有味乎其言而諷誦之彼韻風  
弄月之客主豈特可標而出之大門之外雖引却數十百驛猶

俗氣溷人也子虛嘗奉茂才子王西溪平生獨刻意於詩宦情  
雲薄以故不肯輕就籠絡樊焉追逐時好以取世資其胸中  
泊然無營殆眼中真無其匹者太湖三萬六千頃寧當無真識  
子虛者耶異時白醉吟生七月能識之無二字是孩提時已識  
采子虛之名矣醉吟晚守姑蘇惜子虛不當是時如子虛當其  
時持其詩納之白傳則翠寒之集若不噓而春之白玉之堂他  
日必應俎豆洛社諸人之右寧當別有識子虛者其未能如醉  
吟翁方孩提識之無者勿以語之翠寒詩集之雅號云正統庚  
申冬孟一日海一粟馮子振序



翠寒集

廣平宋無 子虛

烏夜啼

露華洗天，墮水燭光燒雲半空紫。西施夜醉芙蓉洲。金絲玉  
 簧咽清秋。鼙鼓鞭月行春雷。洞房花夢醉不迴。宮中夜啼。栖  
 烏美人日，歌吳歛。吳王國破歌聲絕。鬼火青熒生碧血。千年  
 壞塚耕狐兔。烏銜紙錢掛枯樹。髑髏無語滿眠泥。曾見吳王歌  
 舞時。烏夜啼。為誰。身。前。歡。樂。身。後。悲。空。留。瑟。怨。傳。相。思。烏。夜  
 啼。別離

自若之出矣

自若之出矣。妾不出閨門。懷若不敢恨。惟有感若恩。自若之出  
 矣。妾自奉尊嫜。知若不思妾。亦當思故鄉。

公無渡河



枯魚過河泣

北溟有鯨歆薄昆崙氣吞積石摧禹門過河、水枯縱跡因泥  
塗垂涎向海若能濟涓滴無中流有魴鯉不貸斗升水巨口走  
險噁逆游莫若鮪鯢兮鯢兮爾泣何由龍伯印夫雨津倒天地  
洛水橫行隨鯢所之揚鱗為謝魴與鯉還有莠花春漲時

玉津園棄景鐘歌

炎精不靈火不德赤熛怒帝喪英魄羿兮射日、無光黃金大  
鏞破金色天崩七廟移神虛鬼哭長陵一坏土十二盤傾夜月  
寒漢銅仙人淚如雨六龍屈曲眠秋草、根蟄結語昏曉紫苔  
嵩地愁古春東風吹得乾坤老蝸涎烏篆銀泥剝烏喙蒲牢戲  
左角更殘漏斷聲莫聞凡鷄司晨尊錢鐸

妾薄命

雲母屏珠春冰鮫女織蟬翼輕比妾薄命比君、薄情紅綿  
拭鏡膽明還疑妾貌非傾城從來有人妬况復若心不如故、  
人心尚疑峯九新妾那能無故時補天、高填海、浚不食蓮  
的不知妾心

天馬詩

天馬天上龍駒生天漢間兩目夾明月蹄削崑崙山元氣飲沆  
瀣躍步超人寰天上玉帝老不騎饑食虎豹曉出關城沒流慧  
恣歛忽紫電顏黃道三十六萬里日馳週天去復還待乎降料  
渥洼中龍性變化終難攀天馬來瑞何朝仁為龍應童謹駟虞  
仁馱耻在垌龍亦絕跡歸赤霄風沙豈無大宛種雖有八極安  
能超天馬來雲霧開天廐騷裏鳴龍媒龍媒不鳴、駑駘

古硯歌



神媧踏雲補天去遺下一團蒼黑天千年萬年乾不得長帶盤  
古青紫烟玉工剖天。化石。內星精有餘魄瑀光發烟成禹  
壁海王川后輸玄液帝青呵霧坤倪濕匝月不開太陰泣破天  
殘缺無人補一穴絲。漏春雨空藏老石磨。今。補天何時與  
天語

五雜組

五雜組角杰絲往復還借書龍不得已居九夷  
五雜組冠冕纓往復還戎卒更不得已困平城

湖上意

晚過鴛鴦浦無心唱採蓮莫嗔蘭槳急為要趁前船

湖上意

朝來暮還去寒潮不曾住江水亦有情佳期幾番誤

船

甘露寺放船至瓜洲風作

天造西來險山迴北固形斷崖纏赤日孤柱擎蒼溟此地何能  
限長江或有靈然屏夜照浪飲馬曉吞星鐵鎖沉寥廓樓舫沒  
杳冥乾坤一衣帶吳楚西郵亭擊楫人。倦吹笳處。聽海門  
沙自白瓜步草猶青夢墮浮家樂竟遭換柁醒計程秋獵地問  
含暮漁汀倏忽波濤變匆忙網罟停疾颺移蚌室暗雨卷龍庭  
鼉扇奮鬣壯餘斫樹石腥危檣連偈仄高岸失鈴鐸世事無深  
測生涯獨未寧愁煩復消釋題詠紀曾經

送鄧侍郎歸江西光薦

中國衣冠盡孤臣蹈海迴秦思魯連操漢憶賈生才天遠文星  
隱江平畫鷁催人尋芳草去鴈列故鄉采山色催行擢波聲送  
空杯身還蘇武節夢泣李陵臺水落蛟龍縮城空鼓角哀蒼梧



雲浩蕩。黃屋浪崔嵬。夜雨江蘿濕。春風杜若開。祗令少微動。慎莫應三台。

李翰林墓二首

嗜酒傲明時。何因賀監知。承恩金馬詔。失意玉環詞。名與三閭並。身將四皓期。匡山有書讀。應亦嘆歸遲。一騎紫鯨去。空掩謝山堂。落月今誰吊。長庚夜自明。乾坤沉秀氣。江水帶哀聲。天上多官府。文章不可輕。

長相思

昨夜相逢處。朦朧春夢中。遼西書不到。莫是戍遼東。

月上人還西湖

南峯歸度夏。舊業在烟霏。半夜聞清磬。一燈明翠微。雲蘿尋寺遠。猿狖見人稀。想到經行處。天花繞錫飛。

次友人春別

波流雲散碧。天空魚雁沉。信不通。楊柳昏黃晚。西月梨花明。白。夜。東。風。秋。千。庭。院。人。初。下。春。半。園。林。酒。正。中。背。倚。欄。干。思。往。事。畫。樓。魂。夢。可。曾。同。

答王子長

病後得書頻。情知未立身。孤燈風雨夜。西度別離人。乙鳥歸來社。辛夷開過春。如逢元白問。莫說為詩貧。

廢宅

金谷花開得幾春。東風吹逐路傍塵。蛙鳴私地為官地。燕認新人是故人。珠履賣錢豪客散。玉釵乘傳舞娥顛。獸環一鎖歌鐘斷。時有鶉聲恐四鄰。

春愁



金鴈塵香暗鳳絃紅繩風緊閣秋千園林寂寞無鶯燕一段春  
愁是杜鵑

南峯宴坐僧

空岳稿木形入定掩松扃鵲供銜來菓猿看誦罷經雲霞埋衲  
重苔蘚上鞋青只有樵人識曾曰採茯苓

訪山中隱者

遙聞搗藥聲知有幽人家相尋却無路又隔一谿花

別惠上人

秋歸虛谿月携錫入雲松又向深山住還聞古寺鐘出生供野  
鳥持呪伏潭龍好去東林下吟看五老峯

銅陵五松山中

樵聲聞遠林流水隔雲深茅屋在何處桃花無路尋身黃松上

鼠頭白竹間禽應有仙家住避秦來至今

浦口

打

浦口晚潮來佳期那可待浪急蘭舟蘋花更難採

山中書事

學道志雲霄自然塵念拋雨寬琴上線風响樹間瓢菓熟供猿  
食松高任鶴巢看他陳處士終被華山招

秦伯廟

古者吾夫子曾稱三讓名後來秦失鹿劉項死相爭

三高祠

退能合天道隱亦是人豪借問祠前水如今幾箇高

金陵送倪水西之江陵

楚江、上暮雲東萬里春波去意濃桃葉歌殘秣陵酒梨花夢



斷景陽鐘沅湘水落瓊瑤合巴蜀山來錦繡重  
回鴈峯前見歸鴈相思何處再相逢

戎婦言

姑婦有妾奉征戰盡即行早取封侯去封侯妾亦榮

送葛鍊師遠遊

仙翁去醉碧桃春鶴背風吹萬里身洞裏棊高饒幾子瓢中詩  
好寄何人三峯紫翠浮芒屨五岳烟霞染葛巾歸日定知能縮  
地莫教青竹化龍鱗

雲雨

雲雨朝暮新襄王魂斷楚江春武丁曾有中宵夢惟覓岩  
前版築人

華蓋峯逸人

十步九岳壑結茅無四鄰山中春雨過水上落花新採藥逢毛  
女焚香對羽人時携一瓢酒醉著去朝真

岳陽夜泊圖

長憶巴陵山水秋老來看畫却成愁箇中無聽猿啼處若聽猿  
啼更淚流

江南思

暮雨娥皇廟春風西子城相思行不得更聽鷓鴣聲

寄王子長

薄宦仍依楚長聞傍酒壚客愁三月盡春盡五更初吟卷弄花  
掩行床並竹鋪江湖有佳句知我每相揜

明皇並蠻圖

三郎沉醉玉環隨不上金輿索馬騎老大獨歸南內裏風流無



復並鞍時

贈皖山道士

世人曾不識頭戴樹皮冠  
閑種藥來賣醉將琴去  
彈鶴銜仙菓  
下猿竊玉書者莫服丹砂好  
恐師生羽翰  
送謝士良之江東

謝安遊賞去別酒惜臨分  
萬里甘為客三春苦送君  
風帆歌逆水江樹入空雲  
若過青山下酒題李白墳

春閨

閑畫金釵記遠人  
杜鵑啼血又殘春  
琵琶絃上無多字  
近日相思彈不真

送僧還天目

鉗錫亂峯西  
藤蘿畫掩扉  
山藏翠微寺  
僧向白雲歸  
梵寂風沉

磬禪漫雪到衣想曾行道處  
猿鳥共忘機

破窓

蘚畫蟲絲紙半無  
兩分錢點入樞  
疎秋風吹得青燈滅  
螢火飛來照讀書

寄柳陽廖有大

遠宦身安不題書  
淚幾行千山萬水路  
一日九迴腸  
鷓鴣懷春語  
靡蕪入夢香  
王孫歸未得  
歸得早還鄉

沙門島

孤嶼墜滄海風濤直下危  
蛟人依蜃市魚女祭龍祠  
月黑屋干闌波紅  
蝶竦垂登臨有奇觀  
感慨但言詩

漢宮

武帝昇霞玉殿空  
金人夜泣月明中  
三千嬪御無行幸  
猶費丹



砂餉守宮

沙上

四望無邊際中浮一片沙  
人居釣艇官賦種蘆花  
渚綠紅蒿短江清白鳥斜垂  
流歎東去萬里寄生涯

墻頭杏花

紅杏西鄰樹過墻無數  
花相煩問春色端的屬誰家

金陵懷古

宮甍賣盡兩崩墻  
首藉秋紅滿夕陽  
玉樹後庭花不見  
北人租地種茴香

墨梅寄因上人六言

寒枝香在天外  
疎花影留水中  
梨雲夜漫清夢  
卓玄筆底春風  
夢覺霜林墮月  
眼明野水浮枝  
橫玉不吹春去  
斷縑圖寫相思

長信秋

長信秋來月自圓  
夜香猶拜玉階前  
妾今不願若王寵  
惟願若王壽萬年

句曲王尊師

不與俗人接草堂  
雲自封有時練丹去  
無處覓行蹤  
樹暖猴捫  
蟲花香鹿養葦曾期尸解後  
終隱大茅峯

萍

風波長不定浪跡在天涯  
莫怨身輕薄前生是柳花

山中僧

雪頂霜眉齒半稀  
跏趺苔石看雲歸  
山童掃葉鶴飛起  
狼藉松花滿衲衣

唐人回馬卷



金銜初脫齒新齋蹄玉無聲赤汗微昨日杏園春宴罷滿身紅  
雨帶花歸

簇仗回來玉勒開黃門牽向落花間若王不受長楊獵嘶入春  
風十二閑

霜蹄縮月早朝回尾弄紅絲拂紫苔日暖龍池初洗罷尚方開  
進御鞦韆

太僕新調試錦韉九重日色照連錢春來興慶池邊路偏稱宮  
中軟玉鞭

宮人斜

步搖明月冷無光骨掩春泥草亦芳艷魄不隨紅粉盡化為蝴  
蝶舞昭陽

遊楞伽寺

蘿逕入蒼靄鐘聲來翠微招提在何許雲外一僧歸

猿

巴峽聞聲愁斷腸冷泉照影綠陰涼藤搖亂雨領見過樹曬斜  
陽拾蝨忙獻菓去尋幽洞遠攀蘿來撼落花香空山月暗無人見  
啼入白雲深處藏

鶴

毛骨珊珊白雪清千年世上頂丹成晴飛碧落秋空闊露立瑤  
臺夜月明仙島雲深歸有信天壇花落步無聲時來華表何人  
識依舊翻身上玉京

遊天姥山

欲去不得路自將蘿葛捫相逢採藥叟偶入落花村晴草鹿眠  
軟雨潭魚上潭無人動烟火應取曉霞吞



寄題無照西園

近地棲禪室祇園草木薰鞋香花洞雨衣潤石欄雲松吹和琴  
雜茶烟到樹分遙知道林葦來此論玄文

寄斷江上人

長江瀉百灘句截斷狂瀾片石青松下孤風白日寒空花隨塵  
落曉月對碁殘誰共清吟癖蟲扉敞夜闌

寄錢翼之

作賦擬相如何人誦子虛琴彈中散操扇玩右軍書北闕青雲  
近南冠白髮踈煩君傳遺逸著我入樵漁

揚州即事

玉壘開方面金湯控上游連營驃騎宅重柝鴈行樓疆弩虛空  
發飛橋日夜浮烟生烽燧地草死虎狼秋此處兵威震當時困

步憂六年襄却守三策盡臣謀大將漫圍陷長江萬里休西淮  
先按堵孤注獨橫籌破竹纒乘勢聞風已置郵乾坤梳軸轉海  
嶽啟圖收春變山堂柳波通汴水鷗平坡南下馬遠渡北來舟  
無復瓊花夢猶餘芍藥愁塵埃何豎子還擁黑貂裘

商人婦

日之潮頭望夫之未回無情春水恨祇送別船來

玉環病齒圖

一點春寒入瓠犀海棠花下獨顰眉內厨幾日無宣喚不問君

王索荔枝

琵琶

一片相思木聲含塞秋琵琶是誰製長撥別離愁

杜工部祠



老病思明主，乾坤入苦吟。  
秋風茅屋白，春日杜鵑心。  
詩史孤忠在，文星萬古沉。  
祇應憶李白，到海去相尋。

山中

半嶺松聲樵客分，一溪春草鹿成群。  
採芝人入翠微去，丹竈石壇空白雲。

湘竹杖寄無任

采向舜妃江廟前，得來賈客木蘭舡。  
老宜泉石搯慵態，吟稱烟霞倚瘦肩。  
宴坐夜和金錫，憇經行春卓紫苔。  
穿知師道價，神龍護莫謾騰空去九天。

老将

殺氣消磨暗鐵衣，夜看太白劍無輝。  
舊時麾下誰相問，半去封侯半不歸。

老馬

瘦蹄生入玉門關，病放沙場戰骨閒。  
歸齷殘帛應有淚，將軍頭白戍天山。

老農

倩搔背痒坐溪村，愛說前朝賜帛恩。  
縣帖不來尋社長，自攤牛契教玄孫。

老牛

草繩穿鼻繫柴扉，殘喘無人問是非。  
春雨一犁鞭不動，夕陽空送牧童歸。

如鏡伐竹架過牆，葡萄斷竹挿地復生枝。  
葉無住，序曰瑞竹。余以詩贈之。

為引寒藤延晚翠，試裁碧玉動秋根。  
鳳稍依舊生，鹿籟龍擗相。



將添遠孫林月過庭窺斷影茶烟潤色到啼痕湯休麗藻題還  
徧貝葉應多此處繡

無題

花影玲瓏前綉床自調綠綺背紅窓惆悵佳期學紘線七條哀  
怨不成雙

寄衣曲二首

聞有宮袍賜翻令閨意傷良人在行伍祇待妾衣裳  
征衣須早寄遙憶蒙姑寒莫訝啼痕少相思淚已乾

贈竺鍊師

姓疑軋竺古先生霞外幽栖近四明履斗星移冠劍影步虛風  
引珮環聲蕊宮夜喚青鸞降花洞朝騎白鹿行長使芝童看藥  
竈為耽瓊液過蓬瀛鶴傳仙語歸華表魚寄丹書上赤城怪石

醉中拈筆畫險碁靜裏按圖爭玉桃竊慣慵留種瑤草尋多盡  
識名縮地日携龍作杖卧雲時約鳳吹笙海邊定與安期遇閑  
上當逢尹喜迎我本翠寒山道士相隨便欲採黃精

送翟山人

聖代容高尚山林隱去休方知堯舜日亦自有巢由

贈日東僧

肄業重溟外隨緣大夏中錫飛鯨海靜杯渡蜃樓空音信千峯  
隔華夷一水通秋浸故國夢應與逝川東

江山萬里圖

只尺寒流千萬峯湍声寂々暮猿空買舡欲汎春潮雨楚樹吳  
雲是畫中

江南曲



遙天碧蕩，遠草綠情，併作相思海春來一樣漫。  
蕃釐觀感瓊花

后土祠南喬坤維媿室家因封嚴典禮宮祀尚褒嘉不是神靈  
異焉能眷迓遐應須有玉女到此賞瓊葩麗服從空降明莊倚  
日斜同揮五雲扇共駐七香車月姊羞調粉風姨罷散花青童  
迴絳節金母屏彤霞故事唐時盛佳名宋代誇塵根雖下界天  
意在中華雪讓瓊瑤巧冰銷刻鏤瑕人間惟獨尔地上更何加  
高鷲殊寥落羣芳避豔邪玫瑰誠執御芍藥等泥沙聖運俄  
輟兵強忽肆擊舛訛難核實真履遂聳牙雷雨還驚蟄潛藏重  
發芽旁枝微舊岬新葉謾崇夸尤品終蕪沒瓊鞋逐水涯西朝  
成草莽九廟雜龍蛇古殿蘭旗暗殘炉桂燎賒薜蘿愁想像珠  
樹絕驕奢寂寞無雙譽徘徊但自嗟八仙聊免俗消得空欄遮

送母丘秀才自黔中歸益川

黔南萬里地劍外去寧親蜀魄花成血山貍樹隱身竹枝歌峽  
夜椰子醉蠻春歸話王孫宅彈琴有故人

郊外晚望

野曠行人少林荒夕照微烟中一声笛何處牧兒歸

揚州

紅橋二十四明月照笙歌若是迷樓在遊人應更多

寄山中僧

名山舊隱岳岳秀精舍蕭閑殿閣虛像礼旃檀千古佛經緝貝  
葉五天書獸依草座跏趺後禽下花臺施食餘空翠濕衣橫即  
栗紺泉澄盃涌芙蓉鷺峯夢遶雲中寺鹿苑身栖物外居清梵  
夜迴拾月冷孤禪晝起栢烟疎曙鐘寒韻侵虛籟午供春香入



野蕪道念有時憐老病塵緣無計問真如遠公若許來社陶令  
何妨去結廬便向東林傍尊宿菩提從此發心初

遊三茅華陽諸洞

冠戴寒星披剪霞步虛去宴玉晨家醉歸却跨青鸞下衝陰碧  
桃無數花

玉案清香徹夜焚紫烟成蓋覆茅君數聲金磬秋壇霽敲碎瑤  
天一縷雲

書篇琅函秘不開雲窓霧閣鎖青苔門前白鹿將麈過定是避  
秦人引來

淡染雲霞五色衣杏壇朝罷對花披洞中養隻千年鶴長被仙  
人來借騎

墨梅二首

生意玄烟裏春工毛穎中枝頭兩三蕊開不假東風似到孤山  
下斜枝入眼中分明幾點雪欲折又成空

杭州

錦繡波翻太液空一池寒雨落芙蓉內前尚有中宮住却聽西  
蕃寺裏鐘

羅噴曲

玉井荷花碧中藏偶意漫綠房千萬箇多少可憐心

四皓

回老本英雄來成羽翼功向令秦重士未允隱山中  
子陵

乾坤罷戰塵漁釣可藏身何事劉文叔猶來覓故人

淵明



心寄羲皇上生逢晉宋時風流千古意只有杜鵑知  
孔明

有心興漢室不意託孤兒帝昔曾三顧臣今表出師

春歸

報道春歸去忙來看落紅豈知春不去還在綠陰中

漁父

緜草成春服汲湘供晚炊人間風浪險醉裏幾曾知

馬塍

堯李宮城近偏承雨露恩至今耕種地一半作花園

蘇堤

漢苑花何處唐陵柏已空相逢大堤柳令我憶蘇公

玉津園

御愛花無主長生樹幾時青、輦路草盡屬牧羊兒

武穆墳

若論將軍勇神京又掌圖中原數千里可惜葬西湖

祚德廟

祀典當時盛忠曾保趙孤誰知宋祚絕今與廟俱無

景靈宮

孟月祠原廟都人憶故宮當年駕幸處喬木烏呼風

杭州

山勢猶龍鳳行宮已劫灰北人偏悵望曾見汴京來

建業懷古

離居迫馳道晨牲內西門屏營無顧問偶逢路人言昔是六代  
宮今為百姓園阿閣餘故基層城但頽垣金鋪失嚴邃玉座變



荒原陳昏蚤墮隋奢亟崩奔樂極終復悲替興相覆翻結綺  
徒構恨臨春工鎖窈貴嬪艷亦無麗華皆不存高堞烏鳥集沃  
壤蓬蔎繁鴉如伴月鬼蝶化尋芳魂草遺舊裙色花泣新啼痕  
空餘龍津水流入魚藻渾猶涵層澤在尚咸陽和恩孰知涓涓  
微曾悅萬乘尊坐令芻蕘賤襪飲汙其源念彼禾黍地凄然難  
具論寵深乃見辱涕下還成吞

海上自之罘至成山覽秦皇漢武遺跡

霧氣沉坤極濤聲撼北溟雲霞五色水丹碧萬重屏脈絡華夷  
秀并吞宇宙青石梁橫地戶洞構墜風霆砰磕紛鳴鼓瀚洶疾  
建瓴提封思霸主巡狩遐垓黔首何多難皇居不少寧山驅  
麟避數海塞蜃遷庭鹵簿周荒服鱗蟲畏典刑天吳驚象駕精  
衛泣鑿鈴浪激秦嬴怒崖崩漢武靈空悲祖龍死但覓鮑魚腥

采藥終驕妄求仙竟奪冥惟聞傳二世無復享千齡古昔飛騰  
客能存變化形解交烏兔髓定翳鳳凰翎玉檢微藏青金丹別  
有經東華司筭曆南岳攷功銘億劫開玄閣三官護紫局睿仁  
斯可莫淫暴詎堪聰謾致安期烏虛邀阿母斬昆池波鼎沸阿  
閣土花零夜雨虵升樹春潮蛤上汀茂陵迷亂草禁苑暗流螢  
奢侈如飄電危亡若炳星明君當至治方士或來停尺宅休生  
棘情河易轉洋願逢清靜化昌運幾時丁

憶舊遊寄金陵馮壽之

憶昔江東日離居託孟鄰儒家見君好談席偶情親南斗文昌  
近西山爽氣新驪珠驚倦眼瓊樹倚芳晨大雅今重覩奇才豈  
易倫珊瑚生海網汗血出天津句端雞林賈名齊雁塔人傳經  
心入聖用筆意凝神射策應先手藏環定後身巨流思待濟吾



道誑當伸落鳧傷遲遇依棲咲隱論三年為倦翼萬里作窮鱗  
伏枕思霜橘歸溪戀紫尊鴻稀石城信魚隔太湖濱故宅閑多  
草空舡獨採蘋夜吟酬蟋蟀暮景歎麒麟老恐襟期斷悲懷輒  
跡陳舊峯還似洛淮水想猶秦

勝地登臨數殊鄉夢寐頻潮吞李白月花動謝安春有興酒相  
覓無聊謾自呻休疑交契闊尚覓膽輪困遠物那堪贈佳音欲  
細詢勞歌因奉寄題罷更沾巾

詠石得天字

肢脉崑崙析胚渾混沌先靈分玄鳥峙秀聚景雲鮮覆壓風雷  
窟枝撐宇宙穿峻嶒款篠霧歷棘聳蘿煙業々棲危壁磷々過  
瘦涓雨攻繩眼斷浪擊彈窩圓筆架珊瑚豎屏圍瑪瑙偏骨摺  
獐鬼竦脊凸老蛟銜劔卓空蒼色弔森紫翠顛醜宜鑄烏篆剛

可利龍泉怪漬潮紋濕頑和地軸連筭管梢映帶薜荔葉縈纏  
磊砢蛇身縮崩崢鳳勢偏蘚侵題字處藤絡倚筇邊碎磔鋪文  
貝尖峯斫黛蓮竇深膏乳滴甃潤土花浴儼若峩冠者昂如峻  
士烏磴危欺木屐磯滑怯苔毡移恐嵐光動捫嗔野蔓牽衝湍  
聲類磬灑瀑韻成弦硬性辭斤鑿嵌形欠畫傳鼓歌傷莫續鼎  
句嘆難聯砥礪誠由著磨礪李乃遷蓄竒希抱璞煉餌詫飛仙  
寸勢垂千仞窈胎結幾年岩暉知產玉峽東見奔川織女支機  
穩山人作枕便隕星沉戰域敲火出漁舡異或稱羊化疑應訝  
虎眠龜埋遺碣下麟仆古堂前屹立中流吐平施大礎堅恨少  
嗟放逐凝魄惜婢娟德必穹碑紀詞當巨硯研險思經灑瀨功  
擬勒燕然嵩岱歸諸掌蓬瀛寄一拳不須填碧海直欲補青天  
蒼無住和太初韻見寄



室地人來少，樾陰自晚晴。片雲依石潤，孤磬出花清。竹筧分泉細，檀香<sup>煙</sup>上氈。輕勒銘留水，寺應供宿江。城通楚濤喧，定歸吳雪滯。行雨苔粘凍，屐廊葉覆閑。枰琴為蛇紋，買書因鳥跡。評眼高無佛，祖詩癖有山。兄句妙唐風，在心空漢月。明晝禪休，樹影夜梵雜。松聲夏滅，遊方興秋添。住岳情何時，修白業去結懶。殘盟簡翼之。

碧樹綠蕪空，亂雲故人何處隔。江村舊書在手，再三讀新恨從頭。又一番竹憤隨行，家具活蘭亭。摹出典刑存幾時，定訪楊雄宅。為問太玄經裏言。

送陳衡中之越

見說會稽却風流，如晉時貧惟將母去。清不要人知，修竹王猷宅。春風夏禹祠，到官游有暇。好寄剡中詩。

蟬

高柳夕陽收，繁絃奏未休。數聲風露飽，一殼古今愁。涼思知秦樹，哀吟亂渭流。年々離別處，幾曲送殘秋。

上馮集賢

忠言如海膽，如山趣入金門虎豹間。玉笋曉班聯鷺序，紫檀春殿對龍顏。氣凌百辟星，辰動賦就三都造化閑。豈向長沙淹賈傳，淳風會見筆追還。

送閔思齊浙東帥府掾希賢

南越<sup>粵</sup>連閩，徼東瀛。負百蠻軍容威，帥閫記室比官班。之子相時彥，群公譽早攀。詩壇堪白戰，幕府政朱顏。橫槩金甌動，談兵玉帳開。貨通夷舶富，民嘆國風還。夜柝鯨潛海，春旗豹隱山。携琴遊有暇，挈榼酒休慳。將佐知書貴，勲名待詔頒。孟堅詞賦作，晉



九龍爭珠戰淵底。洪濤萬丈涌山起。鱷魚張口奮靈齒。含沙射人毒如矢。寧高登山莫涉水。公無渡河。公不可止。河伯娶婦蛟龍宅。公無白璧獻河伯。恐公身為泣珠客。公無渡河。公不然。憂公老命沉黃泉。公沉黃泉。公勿怨天。

戰城南

漢兵鏖戰城南窟。雪深馬僵漢城沒。凍指捏弦指斷折。寒膚著鐵。膚皸裂。軍中七日不火食。手殺降人吞熱血。漢懸千金購首級。將士銜枚夜深入。天愁地黑聲唳唳。鞍下髑髏相對泣。偏裨皆負八十創。破旗裹屍橫道旁。殘卒忍死哭空城。露布獨有都護名。

公莫舞

公莫舞。公莫舞。鴻門王氣歸真主。何人睚眦赤龍子。手循玉玦。

目相語。令公莫舞。公楚舞。劍光射日白虹吐。人發殺機天不與。撞斗帳中咳。亞父霸業明朝棄。如土。

長門怨

金壺咽淚蓮花澁。銀箭浮遲渴鳥泣。知更阿監羅襪冰。暝對星河玉階立。內官唱漏催曉籌。芙蓉夢破燕支愁。起來粧罷窺繡戶。三十六院殘燭幽。建章風傳鳳吹遠。翠華晨幸昭儀館。篋篋不語心自語。愁長如天恨天短。紅袖暖踏楊花雪。絳綉閑封守宮血。鸚鵡空猜警蹕聲。春寒緊護流蘇結。

寶劍謠

鍊精蒼玉龍景潛。萬丈虹孤電走白日老。冰立秋空提出天地愁。八極來清風未逢龍準帝。古匣塵土蒙大蛇當道。若斷秋蓬鳴呼室劍兮亦將遇乎英雄。



照汗青間

喜馬伯庸待制扈從還京 祖常

嚴譚傳聲入建章漢官趨陛肅鴛行駕迴黃道清塵動人在金  
鑿白日長承詔晚聞天語近賜衣春覺聖恩香馬卿賦獵美忠  
諫獨許駉乘錫尚方

送陳行之之信州推官 迈

漢守曾懸榻家聲復世綸贊廉推雅士列却重嘉賓昭代詳刑  
讞賢察体聖仁袴襦憐故老狴犴念寃人英幹登時望文華異  
等倫固宜膺寵渥豈但活罷民江左名藩舊風流佐幕新平反  
須有頌剛决看如神却鑿初榮養黃香早締姍錦還鄉已畫綵  
戲室俄春自補尋山屐誰觀墊雨中拊循思易洽煦嫗俗當淳  
曲動陽關疊樽移祖帳陳未能忘手握何得更情親嗟尔丹霄

貴悲余白髮貧尚期金出藥猶客素衣塵岳壑將幽賞烟霞欲  
隱淪交游千古事離別百年身楚澤寒多雁吳波暖見鱗相思  
不相見音問莫辭頻

寄翰苑所知

多士當文治明良際盛時騷壇先佩印策陣已塞旗西極蹄干  
里南溟翼四垂疾雷天地破崩嶽鬼神移季過三都賦神超七  
步詩陰何酒大賞鮑謝只平欺尺璧光難掩華鐘响發遲人遊  
丹桂屈鳳雛碧梧枝漢室方虛席枚舉復擅詞數承恩詔見趨  
赴重官儀皇閣登清宴蒼生息舊疲星夜侵履舄桃李傍堦彛  
珂里豪家逐銅駝樂部隨行歌金駟裏醉舞玉參差杜曲花偏  
滿蓬壺酒不辭弓開射熊館劍倚化龍陂秀彥居同案軒車出  
共馳侯門相雜還寒素独吁嘻塵榻應容下仙舟可待追亦慚



才莫速終負志難衰攀附羞蘿葛徬徨向路歧未酬題柱興徒  
抱練絲悲幽谷音猶澁鹽車力尚卑泥途淹駟駟荆棘困黃麗  
睨睨還求友騰驤却避羈愁吟長缺伴閑夢矮床知縫掖今誰  
貴乘桴任所之短章非善頌聊以展吾私

尋貞白先生舊居

百折歷雲嶠千花通水源寒藤垂到地怪石立當門白壤煉丹  
赤清池磨劍渾曾來誦經處片雨滴苔痕

江干暮泊

野色隨墟落江臬烟景饒遠村明晚燒高岸沒春潮覽鏡芳年  
去接毫藻思銷琴書苦行役不敢問漁樵

子陵祠堂

一見古人歸去來漁竿不肯博三台漢陵今日無坏土惟獨先

生有釣臺

已亥秋淮南饑客中懷故里朋遊寄之

行李依吳榜飄蓬更楚鄉山川歲云暮風雨夜何長此地從兵  
革斯民復旱蝗荐饑懷賑粟久渴望携漿舡婦爭遺穗樵童拾  
棄芒哭喪多藁葬征旅少贏糧豈有災重併而無戶損傷一年  
租幸免衆口飯誰將生晚羞干祿憂時念彼蒼悲歌思請劍顏  
愼輒推床宵枕當寒溜晨梳候曙光牧羊人戢放馬草荒  
木落明秋野江空月照霜城烏頭併白水樹葉先黃羈客情難  
遣朋儕興不忘投瓊花院內博塞竹林傍尚恐詩盟淺猶嘆吏  
鞅妨偏提隨款段簪簪下滄浪稍遂田園計終須薜蘿藏松筠  
親戚輩麋鹿弟兄行春寺尋暄暖晴波泛渺茫清泉濯足冷紫  
菊染中香醉任王侯貴閑辭札數忙龐公厭州府陶令樂柴桑



酬答出期惟交遊素願償短章應得附真賞莫能量頗似岑參  
句名因杜甫揚流傳千載後直欲繼前唐

南峯歸雲菴

雲伴老僧居翠微老僧應共白雲飛杖藜西去人東去日暮僧  
歸雲亦歸

建業閑居春思

杜曲芳菲早江城店舍相雨青榆美地風白柳花天愁結丁香  
上醒餘非酒前病多遊冶少春事亦留連

寄眠雲處士

聞說華陽洞人間第八天茅君旌屢降弘景駕常延地吐黃金  
氣潭流碧玉泉神丹光夜發朱草葉春妍羽客家相接麟洲脉  
共連山遺秦女藥鋤得漢朝錢處士懷真道長生共宿綠童顏

曾辟穀鶴相合成仙嘯傲三峯上披研萬象化先囊擯五行物劍  
握七星權石髓青精飯風爐紫朮烟赤松齊遠蜀玄侶並避肩  
九轉功將就雙親念復虔却携瓊笈轉歸枕白雲眠蒟子家嘗  
歷壺公訣盡傳路回蓬島下杖化葛陂邊經案苔侵徧閑枰雨  
滴穿池留洗票水壁掛斷琴絃蕙帳損空怨蘿窓月自懸岳存  
容悵望澗去意潺湲局久棋多變衆清鼎又遷林衲衣期異日築  
室定他年季世嗟予晚幽栖志獨堅欲隨蒲坐具已辨布行纏  
學道無如此遊方恐未然尚遲甘旨奉更被苦恩牽腦慮精難  
滿心憂影或偏蘇壇情願掃茶灶手能煎根究嬰兒後參同混  
沌前來真不易遇師匠早哀憐

辟支岳道人

髮寒多不剃門雪少曾開瓦鉢幾星芋石床三面苔綠衣蟲懶



拾避獵鹿長來見說岩頭樹前生手自栽

水驛

水驛相連曉夜行渾無心記短長亭莫笑楊花道飄泊人生自  
是一浮萍

李陵臺

寒風揚塵走沙石朔氣僵人馬辟易五千步卒當數萬空拳奮  
張爭死敵單于趣降聲疾呼道窮矢盡身為俘歸無面目見天  
子築臺何顏懷故都義血不染戰場草寧耳北首陰山老空垂  
遠涕望漢天難洒茂陵松柏邊

靈岩寺上方

伯業銷沉烟樹濃吳王臺殿梵王宮廡廊人去土花碧香迳僧  
歸秋葉紅颺母射虫風動地蛟精徙穴霧迷空明朝江郭重回

首寺在翠微蒼靄中

大滌山道士

童顏幾寒暑編葉當衣裳槩古面無添栢枯身有香樹精為老  
僕石髓作乾糧不語坐松下天風吹髮涼

西湖酒家壁畫枯木

衡岳喬松道途遠成都古栢山川隔忽驚老樹刺眼來疑是顏  
崖墜東壁拗怒風雷龍虎氣盤摺造化乾坤力陰連滄海一片  
秋秀奮西湖兩峯色寒雲冉冉惹靈畫影凍蘚綠泐借春碧醉翁  
睥睨歆掛衣禪伯經營思憇錫烏鳶冥下踏枝空猿猱夜過嗔  
藤仄鐵幹銅柯嗅不香蒼雪玄煙潤將滴便擬攀蘿解糾纏何  
煩平地生荆棘直須掃去曲碌姿揮作昂霄數千尺

客夜思親



老妻病女去淮西慈母居吳鶴髮哀我獨天涯聽夜雨寒燈三  
處照相思

梁隆吉遺馮華并詩各以長句

吳剛夜入廣寒闕生擒老兔出秋月嫦娥泣雨蟾影孤靈藥不  
春玉杵歇桂香凝毫拔蒼綠蜀絲纏金縷湘竹紫蘭蓋咲春風  
愁蓮華仙冠墜簪玉松腹點添光照眸藤肪搗雪滑歆流樂毅  
小帖排銀鈎天馬歷塊無九州夢中忘筆那有花古錐畫地飛  
龍蛇覺來尋錐亦無處但見鳥跡白平沙

二喬卷

國色雙花相並栽周郎分得小枝來漢宮早有君王見金屋須  
教一處開

南岳李道士畫雙松圖

道士醉卧天柱峯睥睨石上千年之老松松精相感入夢寐化  
作蒼髯雙老龍酒腸空洞生鱗角飛出西龍醉不覓須臾霹靂  
撼五岳豐隆縮手不敢捉神靈頃刻歸虛無壁上但見雙龍圖  
松耶龍耶莫能詰棟梁霖雨藏禿筆

明皇卧吹簫圖

珊瑚枕上玉簫橫一曲霓裳萬里行謾道九重宮殿遠幾曾掩  
得外邊聲

僧日觀畫蒲萄

玉山道人蒼壁立白澗萬斛松煤汁吐作千年古怪藤猶帶西  
湖烟雨濕元氣淋漓草木活太陰菌蠢蟲蛇蟄須紫翠霧瘦蛟  
走睛抉玄珠黑龍泣神刻鬼刻字崛竒水精火剏光陸離天魔  
擊來青帝室鯨波涌出珊瑚枝墨花酣春馬乳漲醉夢渴想西



涼姿風窻秋疑  
蠶葉語露架  
夜憶乳柯垂  
須臾掩卷何  
所見月落庭  
空無影時

喜虛碧自龍虎歸

兩巾風帽別真師  
雲滿天壇駕鶴  
遲囊佩小圖  
行幾日棋逢  
仙客看多時  
丹房芝木春  
英長玉洞煙  
霞夜夢離  
定有壺公遠  
相送飄中添  
着幾篇詩

琵琶亭

聽徹哀絃淚兩行  
香山居士未  
心降當年杜  
老吞聲哭恨  
不相逢在曲江

兩逢為吟友題

家分半席並鷗眠  
興憶吳頭楚  
尾天機杼曉  
聲柔櫓月簾  
帷暝色片帆  
烟魚龍窟宅  
同春夢雞犬  
圖書當夜舡  
只尺五湖晴  
景

好釣竿開在草堂前

昭君曲

毡城萬里風雪寒  
妾行雖危漢室  
安漢室已安  
妾終老妾顏  
穹廬豈長好漢  
家將相多良策  
更選婣娟滿  
宮掖單于世  
世求和親漢塞  
自此無風塵

虎丘

吳晉豪華冷刻  
灰竺乾金刹  
豎崔嵬玄黃  
半夜虎精泄  
紫翠一峯鰲  
背來池水暗  
通滙海入岩  
扉寒枕白雲  
開輪蹄未散  
鬼吟寂萬壑  
松風僧定向

送金華黃晉卿之諸暨州判官

晉

夫子今衡鑑  
斯文屬在茲  
擅場年鼎盛  
抱業器壞竒  
鷄薦斬頭角  
鶯遷奮羽儀  
詞源傾渤澥  
筆陣偃蛟螭  
太極鈞深賦  
先儒射



策辭秋闈前決勝春榜後名馳激切波瀾立鑄鏡物象危光芒  
牛斗宿標格鳳凰池袍色宮花稱才華制草宜馬驕曾杏苑臚  
唱果丹墀王事勤州佐官聯逼郡麾談經猶寶地視篆必瓜期  
漸覺要章寵徐看利澤施治應黃霸最民定印棠思卸雪聆高  
調卽雲喜近披晚陪靈運屐早訪董生帷梓匠寧辭斲樗材忝  
辱知塵凡勞點化傳玩指瑕此我自哀王粲伊誰說項斯碧山  
招未隱白髮病相欺歲晏空江急風迴落木悲兩來孤枕夜夢  
別故人時留滯飄蓬梗攀援折桂枝願言多善政尚得播聲詩

觀沈氏盆開雙頭蓮花戲作

一枝傾國又傾城笑並香腮百媚生湘浦二妃窺寶鏡星宮雙  
女下銀泓金波影儷嬋娟巧玉露心分沆瀣清曾向鴛鴦屏上  
看野花空得合歡名

送宗上人遊金陵別傳

千峯亂水上一榻到應分古像焚香禮寒鍾出定聞瓶離劍池  
月錫入秣陵雲好去北山住草堂休勒文

吳中菊花盛開

菊花三百六十種處處名園花不同安得化身千百億一花着  
取一吟翁

悼郭祥卿錄判麟孫

燕臺氣槩汾陽裔赤驥騰驤彩鳳飛吏鞅晚淹彭澤米酒錢春  
典杜陵衣西山手板情還適東里角巾身不歸空有遺文落人  
世朱絃聲絕賞音稀

題玉環聯轡圖

赭袍紅暎縷金衣笑並花馳酒力微試問六龍西幸日有誰曾



侍翠華歸

閱張上卿仙遊錄

漢祖龍飛日真人豹隱中  
綸音來薊北駟傳起江東  
聖德深弘教玄門厚植功  
垂衣軒帝治問道廣成風  
獸夢符坤極鴻門建建  
震宮兩敷皇澤意雪應紫宸  
衷白玉荆章重黃金範榻  
雄制詞天藻疊冠佩露華濃  
宣室繁釐受高棋敬祀恭嚴  
齋近景祚正念格宸穹宇宙  
樞機運雷霆寂默通扈駉  
鑾從近恩資尚方隆裔續  
留侯系經開柱史蒙五朝  
膺顯渥百辟仰精忠宗戚勲  
封盛師生祿秩崇力辭君九  
錫首邁爵三公第宅仙官府  
逍遙綺皓翁添園春未老蓬  
島藥何窮詔下瑤京鶴神昇  
絳闕虹自期冲舉去誰識壽  
齡終霄駕烟霞遠星壇杖屨  
空圖容曾翰苑遺蹟謾崆峒  
太上元無象微謠詎得工獨  
存清靜化為國致年豐

谷無住上人

隱去看看白髮新  
草堂貧盡篋生塵  
五陵亦有閒相識  
只把黃金笑買春

吳江石橋新成

五色何年補次寥  
百弓無地駕瓊瑤  
老龍千尺卧寒玉  
雌霓半空橫彩綃  
天路行看星象逼  
江濤怒息水犀囂  
騎鯨便欲趨銀漢  
直踐台階挹斗杓

淵明像

環堵蕭然瓢屨空  
不詳姓字一衰翁  
此身自謂羲皇上  
却墮閒人畫卷中

荅馬懷秀兄弟見訪

移家連晚歲屏跡  
值春寒舊業遺松  
迳幽栖遠杏壇數  
椽容膝



易五斗折腰難有客來排闥無人為整冠  
諷詩稱鮑照卧雪念袁安下里誰余和  
高山尔自彈迎門屐齒折扶病帶圍寬  
乍喜交時彥相尋到冷官隣驚都騎盛  
僕出草堂看光價連城壁風流菰苑蘭  
老嗟傾蓋晚貧覺布衣單午竈添茶具  
烟簑罷釣竿傳呼聞杜曲榮耀滿江干  
文雅多歌艷教勤少接歡長鯨鈎上掣  
巨闥匣中蟠筆力千鈞弩襟懷百丈瀾  
籍通金馬選詔待紫泥乾樂毅曾強趙  
夷吾遂霸桓貴應聯萬石功定服三韓  
白取刊彞鼎勲名未汝闌

太白扁舟圖

錦袍烟艇夜郎西酒思金鑿入直時  
不道相思杜陵老愁吟落月屋梁詩

兩夜懷虛碧

共有烟霞疾襟期江海分故人年老  
別寒兩夜深聞地肺潜通嶽峩眉秀  
拂雲何時負笈去稽首五千文

清明病中

少年冷節醉花前老病花前服藥眠  
自檢銅人試榆火午寤燒艾起新烟

簡無功

種種念余髮垂垂懷老禪公脚既無  
分巾盃欲隨緣布襪雲門寺銅瓶雪竇  
泉他年調水牯鼻孔不煩穿

春歸

釀蜜筒香蜂報衙杏梁泥歇燕成家  
浮萍斷送春歸去盡向東流載落花

漁莊為魏濟民賦



彭澤歸來菊未荒便投簪紱弄滄浪一蓬烟火尊鱸興教畝茅  
茨橘柚香霏迺幾時歌古調蘧條何處避殘陽釣間若枕圖書  
卧應被人稱是墨莊

雪夜有懷

雪壓狐裘醉玉京夜聞歌吹到天明寒窓病起今頭白始聽春  
蚕食葉聲

竹枝詞

莫折閭門楊柳條帶將離恨過楓橋向道春愁不禁蕩蘭舟長  
放櫓輕搖

唐宮詞補遺

海內昇平服四夷遠邦貢物盡珍奇近頒手詔俱停罷獨許南  
方進荔枝

罷朝輕輦駐花邊催喚黃門住靜鞭三十六宮人笑語上前爭  
索洗兒錢

昭陽仙仗五雲中遙聽笙簫起碧空夜半月明人望幸君王自  
在廣寒宮

宮娥隨駕蜀山迴春日還從內苑來聞道上皇憂寢食御前休  
報海棠開

髮白解嘲

吳霜兩鬢早先秋聞道愁多會白頭溪上鷺絲渾似雪想應無  
那一身愁

大禹祠

力平水土勢回天功業三千五百年四海九州皆禹跡獨留陵  
寢越山邊



青衣洞隱者

清泉自盥沐非髮不冠巾看盡世間事爭如林下人嘯雲幽谷  
應坐石鹿麋親莫棄茅庵去白桃花又春

西湖所見

綠闌干護水鱗鱗蘇小門前柳弄春聽得語聲嬌不見隔簾伴  
喚賣花人

貞義女廟

貞女浣紗日行人去國悲生前漂母餽身後謫仙詞白月沉魂  
在黃金報德遲如何孟少府到此不題詩

題許山人居

葦茅栖碧巘梯路上雲危樹影池搖曲泉聲石礙遲鳥啣丸罷  
藥猿拾着殘棋見說仙家伴時來覓紫芝

江東客中

詩人不是欠生涯野性從前懶在家冷眼春來元有分看山看  
雪看梅花

秣陵晚眺

天塹鴻流擁積沙石城虎踞謾雄誇山陵青草六朝地巷陌烏  
衣百姓家紫蓋黃旗消玉氣瓊枝璧月弔庭花孤雲更作降旗  
勢目斷樓船日又斜

田間見

破屋無茅柱脚斜一農頭白病看家年來水滂秧難蒔却傍湖  
塍種藕花

公子家

朱門當道擁高槐拂曉鳴騶散乳鴉紅叱撥驕吟陰匝黑昆崙



點解琵琶姬將銀蠟燒明月犬帶金鈴卧落花不信銅駝荆棘  
乘百年前是五侯家

宮詞

月照芙蓉水殿秋仙韶一曲奏涼州高皇尚愛梨園舞宜索當年菊部頭  
條腕金寒翠袖冰羊車夢裡輓轡聲薰爐宿得沉香火暖却春  
纖暖玉笙

姑蘇臺

妖艷分明構禍胎黃金壞麗更危臺笙歌夜倚東風醉粉黛春  
從南國來原草翠迷行輦跡野花紅發舞衣灰豪華肯信今為  
沼烟水翻令後世哀

長卿

一病文園渴思深祇應惆悵為鳴琴老來減盡凌雲氣却賦長  
門易酒金

席上贈歌者

十疋吳綾賞水新一聲歌歇杏梁塵家徒四壁門如水那得明  
珠換美人

垂虹亭秋日遣興

滿袖玉皇香葉烟絲霓背上俯晴川紅黃霜樹珊瑚海黑白雲  
花玳瑁天玄圃空離樓十二丹墀罷對字三千吟豪醉蘸吳江  
水寫與騎鯨李謫仙

阿房宮圖

千門萬戶轟青真六國脂膏四海兵豈但此中非帝業當時猶  
更有儒坑



送年都事景陽赴浙東帥幕應復

蜀郡方齊魯文翁邁雋賢箕裘承憲業星宿近台纏宇宙汾陽  
昂風雲祖述鞭聞威分海徼節制控閩川餽餉功曾立廉能蹟  
屢傳儒冠真耀武帥府重芳年參畫旌麾右馳驅將相前豪揮  
驚草檄燕集見華篇吏牘分占授軍機妙轉旋百蛮元震響諸  
校益貞堅訓練羣材進鈞陶衆彥遷柳營兵鎮肅蓮幕綬光鮮  
除內恩終許安邊詔必憐酒容山簡醉騎想葛強聯日月新光  
曆車書舊漢天楊雄兼賦頌嘉什到井泉

騾細圖

劍閣清塵犯屬車綱羸馱得荔枝無却嫌畫史才情少不作承  
平舞馬圖

初夏別業

別墅清深無俗人蛛絲窻戶網遊塵綠陰鏤日新  
歡夏紅兩廡花故惱春病去情懷逢酒惡困來天氣與茶親  
壁間烏帽長閑却肯學陶家戴漉巾

燕

銜得香泥去花間日午時玉人方睡起莫訝卷簾遲

謝僧遺石鎗

遠寄竒鎗紫玉形寒翁歡喜欲鐫銘茅峯道士傳茶訣林壑山  
人送水經崖瀑松風添瑟縮地鑪槐火共青熒矮瓶未罄長鏡  
健且傍雲根飽茯苓

荷錢

拾來虛費藕絲穿暴富池塘積萬千人世不平如買得夏天那  
有蓋鷗眠



春日野步書田家

翳日橙陰翠幄遮葑園高下奕枰斜陂塘幾曲清淺水桃杏一  
溪紅白花賴尾自跳魚放子綠頭相並鴨眠沙春知景物堪圖  
寫輸與烟樵兩牧家

客燕兩懷

荆門飛兩布袍泥遊子魂銷幾夢歸賦有聲華羞狗監淚無氣  
槩笑牛衣客愁萬斛添杯量春瘦三分減帶圍不似江南烟艇  
小柳花如雪荻魚肥

寒食

十日花時九兩風年年百五病愁中春寒不禁香篝火紅蠟青  
烟憶漢宮

舊內臣家老馬

罷直奚官雪滿腮少年曾扈上之回金砧戍削蹄多裂玉秣辛  
酸齒半摧首帶地閨春草遍葡萄宮廢野花開病嘶破櫪秋風  
夜猶憶先朝校獵來

蚕婦

繅得新絲白將來織素縑自慙非錦綺尚被舞人嫌

端石硯

千年出璞斬新硯一片琳腴截紫青雲漢帶星來玉匣墨池蒸  
兩出滄溟烟開霧歛天晶彩海靜江澄地典刑要與陶泓作佳  
傳老磨松液寫黃庭

東風

東風吹綠上汀洲染出江南一片愁長到春來問芳草不知何  
地可忘憂



無題 仿李商隱

粧淺顰深凭綺疏小郎新拜執金吾  
絃中言語分明恣袖上腰肢  
準擬扶翠履鴛鴦寒慵鬪草紅  
牙馬暖罷檉蒲無人商略心頭  
事潛向花間卜紫姑

早鄉田父言

疲牛病喘餓桑間碌碌閑眠  
交地乾殘稅驅將兒子去  
豆畦却倩草人看

雙陸

金縷紋桑斲局堅紅雲倒浸一池蓮  
星環紫極無多點月印銀  
橫有兩弦行采砧  
聲鳴素練計籌花片落  
牙錢箇人慣受單棲  
苦長為歸遲罰綺筵

秣陵寓居

荒園日日涉蓬蒿  
破屋年年蓋把茅  
向石側生花倚勢綠  
墻直上豈攀高  
歸兮春草蕪  
三徑老矣松風有二毛  
莫笑家貧拙於事  
長鬢能壓榨頭糟

春病起即事

壯懷玉具劔空携  
老去金門獻賦遲  
服藥身軀多病日  
養花天氣半陰時  
愁鄉塵積瑤琴嶽  
夢境寒生翠被池  
春事幾何公事急  
可憐蝴蝶掛蛛絲

蘭

分向湘山伴野蒿  
偶并香草入離騷  
清名悔出群芳上  
不入離騷更自高

許山人家

桐君種藥隱衡皋  
竹祖生孫共養高  
茶脚碧雲疑半椀  
酒聲紅



兩滴春槽休糧貌古添清瘦餌木身輕長綠  
家資猶戀一溪桃

毛仙記

答無功歲暮見寄

豆稽灰動擁壚天品字煨殘骨松烟詩草病多刪枕上眼花書  
久廢燈前老依蕭寺僧留宿相對蒲團夜不眠筋力漸衰餘習  
在夢中去趁暗門舡

書趙集賢詩翰後

九天宮闕鬱嵯峨公昔騎龍上大羅文在玉堂多煥爛經淚  
一滂沱原陵禾黍悲豐鎬人物風流繼永和今日吳牋拜遺墨  
只堪哀怨不堪歌

孟能靜席上出四物分韻得牙背祀花字詩成為贈

天女織罷散花嬰兒一掌玉藏瑕寒生釣弋兩三指春屈柔  
第四五芽骸垢有瘡膚起粟臂風無力手長麻老夫技瘠煩消  
遣休悞仙姑打蔡家



翠寒集卷終

子虛先余廿年雖知其嗜吟其六未始置齒牙間自其壯年遊江東首見知中丞王公侍郎鄧公今承旨趙公皆序其卷最後集賢馮公聞其詩欲行將有以資之而亦未嘗見其卷也公一日過子虛索藁子虛不容已遂出藁公疾視嘿覽遇佳句輒首肯而声誦之謂子虛曰子詩真刻意於唐者明當為子序之翌旦子虛袖二紙請為公欣然援毫不煩脫藁一掃千餘言昨所声誦疊疊出筆下至於題之前後句之次第略不少差其一二所許可皆子虛平生得意句世所膾炙者子虛亟拜亟喜坐客皆為之歎服吁士之處世能不逐声利而獨嗜片言隻字以陶寫其心復不求人知有終其身而詩不傳者乎今子虛是也馮公序其詩時年已耳順何一覽其卷而盡能嘿記佳句於俄頃



之間柳子虛之詩如正声雅樂入耳而不忘耶序雖擷其英為  
公論余意翠寒集其堪擊節者恐不翅若是也因徵余書獲識

卷末且以紀馮之才之強記云  
至治二年六月一日里人錢良右敬書

計肆拾葉





